

D2U 365 BRASSBAND DEN SUPERBOQWL '97

ORANJESTAD (AAN): Simadanza y Supernova a participa 18 aña pasá. Riba invitacion di New Orleans y NFL (National Football League) Host Committee, y den cooperacion estrecho cu Carlyle de Coteau di Aruba Turismo Authority - D2U 365 Brassband lo participa den Su-

perbowl 31, na New Orleans, cu eventonan programá for di 22 di januari.

E climax di e eventonan lo ta dia 26 di Januari "Superbowl Sunday". E performance di D2U na New Orleans lo ta uno tremendo pa Aruba, ya cu e lo ricibi un cobertura extenso.

E oficial "Kick Off" party ay-

era a cuminsa 6:30 p.m. pa e 5 mil miembro di prensa americano. Den e ocasion aki Aruba lo toca varios set. E evento aki sigur lo wordo cubri pa Fox Television, ya cu Fox a pidi pa D2U toca nan "theme song".

E uniform di D2U lo consisti di jeans, camisa blanco y petchi di Aruba y describiendo e lema "Aruba Salutes New Orleans and the NFL".

Awe 23 di januari lo tin tocamento na "The Art of the Game" Super Bowl Host Committee event (7:00 pm) E grupo di Arts Tourism Partnership a converti un warehouse den un campo di futbol fictisio. D2U lo toca pafó, pa duna bon bini na e invitadonan, sigui pa un "half time" show di 15 minuut. Despues nan lo toca na clausura di e show.

Na e evento aki lo acudi tanto invitadonan special di BFL, como e gobernador di Louisiana y e Mayor di New Orleans. E evento aki tambe lo ser transmiti pa Fox, na unda cu nan lo rifa estadia na Aruba via American Airlines. Tur esaki lo ser transmiti "live".

Januari 24 "Kick off party" pa e 700 miembro di prensa internacional.

Januari 25 D2U lo participa den e conocido parada di "Mardi Grass". Aki un biaha mas Aruba lo haya cobertura via banner y petchi.

Januari 26 E gran dia di "Superbowl". D2U lo toca na e Superdome di New Orleans, prome cu wega. Fox lo menciona cu D2U ta toca nan "theme song" y alavez cu American Airlines ta nan sponsor.

Esaki no ta prome vez cu Aruba ta participa den Superbowl. Na 1979, Simadanza y Supernova a participa na Superbowl 13, y a wordo transmiti via television americano durante halftime di Superbowl. E aña ey nan a titula e show aki "Salute to the Caribbean". Simadanza tabata bao direccion di Astrid Salazar, cu 10 bailarin y Supernova bao direccion di Dennis Zeppenfeldt, y cantante Anita Ortez, a participa. Simadanza tabata e unico invitado pa pone algun di su bailarinan ariba e barco na unda e artista Ben Vereen a hasi su debut. Tambe nan a participa na ocasion di apertura di un parti di airport internacional di Miami, y un marina na Miami.

E participacion di Simadanza y Supernova na 1979 tabata un exito total y a ricibi invitacion internacional a base di nan debut eynan.